



Inatsisartunut ilaasortaq Naaja Nathanielsen, IA
MAANI

§ 37 naapertorlugu apeqqummut 2013-105 Qillerutit marluk, akissuteqaat

Misissuilluni qillerinerni qillerutit marluunissaannik maannakkut politikkeqarnermut tunngatillugu Inatsisartut suleriaasianni § 37 imm. 1 naapertorlugu, makkuninnga Naalakkersuisunut apeqquteqarputit.

- 1) Kalaallit Nunaata qillerinerni qillerutit marluunissaannik piumasaqaataannut immikkut pineqarluni ataasiinnaanissaanut Naalakkersuisut olia-sioqatigiiffinit kissaateqarfigineqarsimanerlutik? Taamaassimappat Naalakkersuisut qanoq akisimanersut paaserusupparput.

Akissut:

Uuliasiorfiutileqatigiiffinit puilasuliamik oqilisaasussamik qillerinermi pisinnaasaqarluarnissaq (qillerinerni qillerutit marluk) pillugu piumasaqaatinik pioreersunik Kalaallit Nunaata saneqqutsinissaanik kissaateqartunit saaffiginnissummik Naalakkersuisut tigusaqanngillat. Taamaalilluni uuliasiorfiutileqatigiiffinit Kalaallit Nunaata avataani uuliasiornermut atatillugu isumannaallisaanermut piumasaqaatinik qasukkaanissaq pillugu Naalakkersuisunut piumasaqaateqartoqanngilaq imaluunniit qillerutininik marlunnik peqarnissaq pillugu piumasaqaatinik saneqqutsinissamik siunnersuuteqartoqarani.

Inuussutissarsiornermut, Aatsitassaqarnermut Suliffeqarnermullu Naalakkersuisoqarfiup kiisalu Aatsitassanut Ikummatissanullu Aqutsisoqarfiup ulloq 4. april 2013 Greenland Oil Industry Association-imit (GOIA) e-mail tiguaat. E-mail-imi GOIA Aatsitassanut oqartussaasunit peqataaffigineqartumik suliaqarluni ataatsimeeqatigiinnissamik qinnuiginnippoq. E-maili taanna link-imi matuma kingulianiitumi takuneqarsinnaavoq.

Aatsitassanut oqartussaasut qinnuiginninneq akueraat aammalu ulloq 11. juni 2013 suliaqarluni ataatsimeeqatigiinneq ingerlanneqarpoq. Aatsitassanut oqartussaasut sinnerlugit suliaqarluni ataatsimeeqatigiinnermi Aatsitassanut Ikummatissanullu Aqutsisoqarfik, Aatsitassanut suliaasaqarfimmut Avatangiisinut Aqutsisoqarfik kiisalu siunnersortit uuliasiorluni qillerinerit iluanni immikkut ilisimasaqartut marluk peqataapput. Suliaqarluni ataatsimeeqatigiinnermut atatillugu tamatuma saniatigut GOIA aamma Naalakkersuisut ataatsimeeqatigiipput. Suliaqarluni ataatsimeeqatigiinnermi imaluunniit tamatumunnga atatillugu ataatsimeeqatigiinnermi GOIA piumasaqaatit pioreersut saneqqunneqarnissaat pillugu piumasaqaateqanngilaq aammalu tamatuma kingorna tamanna pillugu saaffiginnissutinik tigusaqartoqarani.

Taamaalilluni Naalakkersuisut erseqqissarusuppaat uuliasiorfiutileqatigiiffinit puilasuliamik oqilisaasussamik qillerinermi pisinnaasaqarluarnissaq (qillerinerni qillerutit marluk) pillugu piumasaqaatinik pioreersunik Kalaallit Nunaata saneqqutsinissaanik kissaateqartunit saaffiginnissummik tigusaqannginnatta.

1. juli 2013
Sagsnr. 2013-080134
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Tamatuma saniatigut ilisimatitsissutigineqarsinnaavoq Aatsitassanut Ikummatissanullu Aqutsisoqarfiup sammisaq apeqqutip matuma assigisaa pillugu allagaatinik takunninnissamik piumasaqaat ICC-mit tigusimammagu. Aatsitassanut Ikummatissanullu Aqutsisoqarfiup tassunga atatillugu ICC nalunaarfigaa Kalaallit Nunaata avataani misiliilluni qillerinernut atatillugu isumannaallisaanermut piumasaqaatinik qasukkaanissaq pillugu piumasaqaammik tigusaqartoqarsimanngitsaq kiisalu Aatsitassanut Ikummatissanullu Aqutsisoqarfiup tigusatuarisimagaa suliaqarluni ataatsimeeqatigiinnissamut qaaqquusissut, tamannalu matuma siuliani allassimasutut naammassineqaqqammerpoq.

Allagaatinik takunninnissamik piumasaqaat kiisalu tassunga akissuteqaat (ilannussat ilanngullugit) link-imi uani *16. maj 2013 – ICC* ataani takuneqarsinnaavoq:

<http://naalackersuisut.gl/da/Naalackersuisut/Departementer/Raastoffer-og-Erhverv/Raastofstyrelsen/Aktindsigtsbegaeringer>

2) Qillerutit marluunissaannut piumasaqaatip pinngitsoortinneqannginnissaanut Naalackersuisut naqissusiiniarlutik?

Akissut:

Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-imeersumi (aatsitassanut ikummatissanullu inatsit) aalajangersakkat tamarmik malinneqassasut naammassineqassasullu erseqqissassallugu Naalackersuisut sukkulluunniit piareersimajuannarput.


Uuliasiorluni misissuilluni qillerinerit kiisalu tamatumunnga atatillugu isumannaallisaanermut iliuusissat aatsitassanut ikummatissanullu inatsit naapertorlugu maleruagassiivigineqarput aammalu inatsimmi §1, imm. 2 malillugu; ...”ingerlatanik inatsimmut ilaasunik suliarinninnermi isumannaallisaaneq, peqqissuseq, avatangii-sit, pisuussutiniq atorluaaneq kiisalu inuiaqatigiinnut akornutaanngitsumik ingerlatat suliarineqarnissaat kiisalu pissutsini assigiinngitsuni nunat tamat pitsaasumik ileqqorissaartarnerat akuerisaasut qulakkeerneqarnissaat Inatsisartut inatsisaatigut anguniarneqarpoq”.

Uuliasiorluni misissuilluni qillerinernut tunngatillugu ineriartorneq Naalackersuisut atavartumik malinnaaffigaat, ilaatigut nunat allat maleruagassiinerannut kiisalu teknologiikkut ineriartornermut tunngatillugu, tamannalu aqqutigalugu qulakkeerneqarpoq uuliasiorluni misissuineri ingerlatat pissutsini taamaaqataanni nunani tamalaani suleriaatsinut akuerisaasunut pitsaasunut naapertuuttumik tamatigut ingerlanneqartassasut.

Maannakkorpiaq marlunnik qilleruteqarnissamut politikkip allanngortinneqarnissaa pillugu Naalackersuisut pilersaaruteqanngillat.

Neriuppunga apeqqutit matumani akineqarsimassasut.

Inussiarnersumik inuulluqqusillunga



Jens-Erik Kirkegaard

INUIT ATAQATIGIIT

INATSISARTUNI



Nuuk, 14. juni 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.
(Inatsisartunut ilaasortaq Naaja H. Nathanielsen, Inuit Ataqtigiiit)

Apeqqutit:

- 1) **Kalaallit Nunaata qillerinerni qillerutit marluunissaannik piunasaqaataannut immikkut pineqarluni ataasiinnaanissaanut Naalakkersuisut olia-sioqatigiiffinit kissateqarfigineqarsimanerlutik? Taamaassimappat Naalakkersuisut qanoq akisimanersut paaserusupparput.**
- 2) **Qillerutit marluunissaannut piunasaqaatip pinngitsoortinneqannginnissaanut Naalakkersuisut naqissusiiniallutik?**

Tunngavilersuut:

Oliasiofeqatigiiffiit Issittumi qillerinerni qillerutit marluusussaananerannut pinngitsuusissamik pisortanut akuersisitsiniarnerat tusagassiutitigut tusarsaavoq. Tassunga taarsiullugu oliasiofeqatigiinnut akikinnerusussatut periutsit marluk suleqatigiissillugit atorlugit, tassa "capping stack"-mik taaneqartartoq, taavalu ajutoortoqassagaluarpat oqilisaassisumik puilasulialiorneq periuseralugu. Periuserli tamanna arlalinnit piuna-neqanngilaq, ilaatigut Canadami USA-milu ilisimasalinnit pisortaniillu piunaneqarani.

Soqutiginassaarli paasissallugu Naalakkersuisut oliasiofeqatigiiffiit kissaataannut taak-kunatulli isornartoqartitsinersut. Manna tikillugu Naalakkersuisut sillimaniarnermut atuut-tunut illersuisuupput, taamaattorli Inuussutissarsiornermut Aatsitassanullu Naalakkersuisoq oqaaseqarsimavoq oliasiofeqatigiiffiit tunngavilersuutaannut tusarnaarnissamut ammalluni.

Ersitsumik ammasumillu pissuseqarnissaq anguniarlugu Naalakkersuisut oliasiofeqatigiiffiit tunngavilersuutaannik tusareerlutik qanoq inerniliisimanerannik tusagaqassalluni pissusis-samisuusaaq.

Naalakkersuisut oliasiofeqatigiiffiit kissaataannut akuersaassanngitsut neriutigilluin-narpara. Taamaattoqassappat Naalakkersuisut sillimaniarnermut piunasaqaatinik qasuk-kaanissaannik isumakuluuteqartuusugut toqqissiallaatigissavarput.

Apeqqutit tamakkerlutik ullut qulit qaangiutinnginnerini akineqarnissaat qinnutigivara.